

神道釋門

和書門	9	17770	7
類	7	函	冊
號	架	架	架
七	九	七	七

內閣文庫	和書	17770	7	9
類	冊	冊	函	函
號	架	架	架	架
七	七	七	七	七

內閣文庫	番號	和 17770
冊數	冊數	7 (7)
函號	函號	193 542

香光寺藏





三教指歸註卷第七

淺草文庫

於是龜毛等百斛酢梅人鼻為酸數斗

茶蓼入喉爛肝

崔駰七依曰鹹以大夏之塩酢以越裳之梅宋王高唐賦曰寒心酸鼻註翰曰酸鼻將泣負顏氏家訓曰奔始九歲便煎茶蓼崔豹古今註曰茶蓼也紫色者茶也青色者蓼也其味辛且苦食明目或謂紫葉者

為香茶青者為馬蓼未平日苦食即...
李顥詩曰焦肺枯肝皆...
今病曰...
...

不假吞火腹已如燒不待刀穿胸亦似

割

朱文成遊仙窟曰未曾飲炭腹
熱如燒不憶吞刀腸穿似割

哽咽悽愴涕泣連連

...

擗踴倒地屠裂想天

陸才衡挽歌曰令...
曰霜露既降君子履之必有悽愴之心毛詩曰泣涕
連連疏曰連...
音連泣負...
...

孝經曰孝子之喪親也哭泣擗踴哀以送之孔安國
傳曰提心曰擗跳曰踴所以泄哀也曹植求自試表
曰身雖屠裂而功名著於景鐘汪濟曰屠裂
擗斬也流約齊安陸王碑曰仰蒼天而自訴

如喪慈親似失愛偶

曹植述太后誄曰若喪考妣天下編素
莊子曰嗒焉似喪其耦今言夫婦也

一則懷懼失魂一則令哀悶絕

論語曰一則以喜一則以懼慧命法師詩玄賦曰
九於茲絕聽一七自此亡魂愁康琴賦曰含哀悽
不能自禁法華經曰轉更惶怖悶絕躡地

假名則採瓶咒水普麗面上食頃蘇息

似醒不言

高僧傳曰王遇流矢傷脚跋摩為咒水洗之信宿平
復法華經曰以冷水灑面令得醒悟又曰聽佛所說
謂如食頃智論曰耶輸陀羅躡地氣絕傍人以水灑
之乃得蘇息蘇本作蘇通作蘇說文曰死而更生曰
蘇廣韻曰息也醒說文曰
病酒也毛詩曰直心如醒

如劉石之出家似高宗之遭喪

博物志曰管劉玄石者於中山酒家酤酒酒家與于
日酒忘言其節度歸至家當醉家人不知以為死也
權葬之酒家計于日滿乃憶玄石前來酤酒醉向醒
且往視之云玄石已來三年已葬於是開棺醉始醒
俗云玄石飲酒一醉千日論語子張曰書云高宗諒
陰三年不言何謂也子曰何必高宗古之人皆然在
孔安國曰高宗殷之中興王武
丁也三年喪畢然王自聽政也

良久二目流淚五體投地稽顙再拜曰

我等久翫瓦礫常耽微樂

華嚴經曰諸大菩薩勤求正法乃至極少為於一字
五體投地正念三世一切佛法左思吳都賦曰翫其
積礫而不窺玉淵者未知驪龍之所蟠也注良曰翫
習也六度經曰人無戒如瓦石且戒者如明珠微樂
謂人間小
快樂也

譬如習辛蓼葉忘臭廁屎

左思魏都賦曰習蓼蟲之忘辛禪要呵欲經曰如廁蟲樂糞

覆盲目以進險道鴛蹇鴛而向冥途不

知所投不知所陷

班叔皮王命論曰鴛蹇之乘不騁千里之塗注善曰鴛駘也今謂馬之下者為鴛王逸楚辭注曰蹇跛也

孫楚為石仲容與孫皓書曰如其

米瓊未知所投注翰曰投歸也

今偶賴高論之慈誨乃知吾道之淺膚

梁簡文帝應令詩曰辭河為閭高論忘疲惠遠法師萬佛影銘曰啓蒙慈訓託志玄籍論語曰參乎五口道

以買之文選注良曰膚淺也

噬臍以悔昨非碎腦以行明是

左氏傳曰若不早圖後君噬齊其及圖之乎杜預曰
若齧腹齊喻不可及按臍通作齊淵明歸去來辭曰
覺今是而昨非碎
腦言其至誠也

仰願慈悲大和上重加指南察示北極

什師曰梵語和尚此名力生舍利弗問經曰夫出家
者捨其父母生死之家入法門中受微妙法蓋師之
力生長法身出功德財養智慧命功莫大焉和尚或
作和上采止張衡東京賦曰幸見指南於吾子薛綜

假名曰俞矣咨咨善哉汝等不遠而還

尚書曰俞咨禹汝平水土孔氏傳曰咨嗟也又曰俞
然也然其所舉華嚴經曰善哉善哉善男子淵明歸

注曰言已之惑不知南北今先生指以示我我則足
以三隅及爾雅曰察明也北極喻至道之極致也爾
雅曰北極謂之北辰郭璞曰北極天之中以正四時
邢昺疏曰極中也辰時也居天之中人望之在北因
名北極入朝以禮謂曰北極也

去來辭曰寔是奉法... 迷途其未遠

吾今重述生死之苦源示涅槃之樂果

法句經曰欲斷苦源志存泥洹莊嚴論曰涅槃第一

樂香象大師心經疏曰涅槃此云圓寂德無不備稱

圓障無不盡稱寂

盡稱寂

其旨也則姬孔之所未談老莊之所未

演

道安二教論曰問姬孔立教可以安上治民移風易

俗老莊談玄可以歸淳反素息尚無為為化足矣又

曰推色盡於極微老氏之所未辯

究心窮於生滅宣尼又所未言

其果也則四果獨一所未能及

四果聲聞聖位謂預流一來不還阿羅漢獨一謂緣

覺地涅槃經曰永斷貪欲瞋恚愚癡得辟支佛道煩

惱無餘入於涅槃真含妙道志思無礙
是麒麟獨出之行前流下木不步則無天財

唯一生十地漸所優遊耳諦聽能持舉

要撮綱略示汝等

一生十地謂菩薩聖位也探玄記釋一生補處曰一
生有三義一約人中二約天上三約下生之身此就
化相若約實報四種變易報中唯末後無有生死一
位猶故云一生華嚴經曰何等為十一曰歡喜二曰

離垢三曰發四曰炎五曰難勝六曰現前七曰遠行
八曰不動九曰善慧十曰法雲鄭玄曰優游自安止

廠勝王經曰諦聽諦聽善思念之孔安國

尚書序曰舉其宏綱撮其機要

龜毛等並避席稱曰唯唯靜心傾耳恭

專仰說不大苦對之果曰

孝經曰曾子避席唯

唯傾耳並見于上

開鴻口而吸諸流

聲類曰出氣急曰吹緩曰噓郭璞江賦曰呼吸萬里吐納靈潮向日呼吸吐納謂作潮波而納群流須臾萬里又星圖贊曰萬類群分又江賦曰摠括漢泗兼包淮湘翰以摠括兼包皆相合為流也後漢書曰食產巨億史記注曰巨萬如淳云巨亦大與大百萬同也韋昭云大百萬今萬萬華嚴經曰則得如來無上廣大腹悉能容受一切眾生佛神咒經曰猶如大海容受一切百川衆流鴻大也張衡西京賦曰脩額

短項大口折鼻綜曰皆魚形也血溝也說文

曰十里為成成間廣八尺深八尺謂之血

襄陵之汰洶洶不息凌崎之浪濼濼相

逼

尚書曰湯湯洪水方割蕩蕩懷山襄陵孔氏傳曰襄

上也汰本作汰廣韻曰濤汰也揚雄羽獵賦曰洶洶

旭旭善曰洶洶旭旭鼓動之聲也高唐賦注善曰說

文曰洶洶涌也謂水波騰與崎渠希切與崎同或作

綜曰詭類殊種多雜物也同賦
注又曰詭異也豐廣韻曰多也

其鱗類則有慳貪瞋恚極癡大欲

此總舉二毒大乘義章曰然此二毒通攝三界一切
煩惱云凡貪欲瞋癡淪生死海之本根故以此鱗
類若具論者有見慢疑亦細判則貪慳異品欲通善
深今不可必據性相所釋流且內外取群生之邪惡
相耳

長頭無端遠尾莫極

或謂首尾無極說太魚
相以喻煩惱無始無終

舉鱗擊尾張口求食

巴下別釋二毒就中自舉鱗王帆匿說貪欲相江蘇
曰揚鬚掉尾賢愚經曰有五百賈客入海採寶值魚

張

吸波則離欲之舩撞摧帆匿

木華海賦曰嗚波則洪漣蹴踏吸通作喻海賦曰決帆推撞戕風起惡翰曰撞檣也今言生死海中貪欲熾盛而離欲念忽滅絕也

吐霧則慈悲之舩楫折人殞

此句別述曠相劉邵趙都賦曰巨鼉冠山陵魚吞舟吸潦吐波氣為雲霧沉烟勸進第一表曰吐霧

雲梁昭明太子開善寺法會詩曰法輪明智日慧海度慈航拯渠力切死也

且泳且涵志意不式

此一句當所謂極癡左思吳都賦曰龜鼉鱣鯉涵泳乎其中劉曰涵沈也揚雄方言曰南楚謂沈為涵泳潛行也見爾雅曹植公讌詩曰飄颻放志意式廣韻曰度也

或饕餮或餐心性非直

自下舉三業過惡隨煩惱等以類水禽此中論誑惡
作意業隨煩惱屬餘口業攝左思吳都賦曰羽族以
嘴距為刃鉞諂唯識論曰云何為諂為網他故矯設
異儀險曲為性能障不諂教誨為業誑又曰云何為
誑為獲利譽矯現有德詭詐為性邪命為業謂矯誑
者心懷異謀多現不實邪命事故此即貪癡一分為
體離無別誑相用故賈誼弔屈原賦曰闖茸尊顯
兮讒諛得志菩薩戒經曰誑賢聖成就邪見鹿惡
鹿惡語也在隣次下惡注噲噲謂多言也毛詩曰下
民之孽匪降自天噲噲背憎毛萇傳曰噲猶噲噲香

猶香香也箋曰噲噲香香相對談語背則相憎噲與
香同又曰載號載噉毛萇傳曰號噉號呼謹噉也
日嗽女謹與噉同本喚字又曰燕婉之求濼條不鮮
傳曰濼條不能俯者箋曰濼條口栗常觀人顏色而
為之辭故不能俯者也正義曰濼條本人疾之名但
人口栗者必仰面觀人顏色而為辭似濼條不能俯
之人因各口栗者為濼條惡作心所名也俱舍曰惡
作者何惡所作體名為惡作應知此中緣惡作法說
名惡作謂緣惡作心追

悔性論有三解合略二
解要覽者往檢

整翮背道高義赴樂

孫綽大台山賦曰整翮而思矯唐行友法師奉平
 魔教又啓曰五世背道其誅於聖世高義謂遠避聖
 道也

碎訶四倒之涌沸卉十惡之澤

張衡西京賦曰集隼歸鳧沸卉碎訶濟曰沸卉碎訶
訶鳥奮迅聲涅槃經曰如彼醉人見上日月實非迴

轉生迴轉想眾生亦爾苦者計樂樂者計苦是顛倒
 法無常計常常計無常是顛倒法無我計我計無
 我是顛倒法不淨計淨淨計不淨是顛倒法有如是

等四顛倒法法蘊足論曰成就十法身壞命終墮險
 惡道生地獄中何等為十一殺生二不與取三欲邪
 行四虛誑語五離間語六麤惡語七雜穢語八貪欲
 九嗔恚十邪見

彫啄正直之菱啞喋廉潔之藿

...

左思吳都賦曰彫啄蔓藻劉曰彫啄鳥食負濟曰彫傷也屈原卜居篇曰寧廉潔正直以自清乎相如上林賦曰啜喋菁藻咀噉菱藕注啜所甲切良曰啜喋咀噉皆食物自善曰水鳥食謂之啜噉與啜同

見鳳見鸞仰豫嚇嚇擊鼠擊犬俯則咋

咋注四韻同六見鳳嚇嚇見于中卷註李善文選注鄭玄周禮注曰咋咋然聲大也

見鳳嚇嚇見于中卷註李善文選注鄭玄周禮注曰咋咋然聲大也

且飛且鳴管現前之潤屋或痛或死忘

未來之苦酷毛詩曰題彼鸛鳴載飛載鳴魏文帝典論曰遂管目前之務而遺不歲之功劉孝標廣絕交論曰冀曾燭之末光邀潤屋之微澤

翰曰禮記曰富潤屋注禮記曰富潤屋

豈知鴈門之坂織羅張列昆明之池黏六元

徽音設

西京賦曰南翔衡陽北棲鴈門善曰漢書有鴈門郡也按山海經曰單狐之山北水行五百里至于鴈門之山無草木郭璞傳曰鴈門山即北陵西隄雁之所出因以名云在高柳北抱朴子曰風波駭而魚驚擾於淵纖羅密而羽禽躁於澤漢書曰發詔吏穿昆明池注臣瓚曰西南夷傳有越巂昆明國有滇池方三百里漢使求身毒國而為昆明所關今欲伐之故作昆明池象之以習水戰在長安西南周迴四百里潘

岳西征賦曰解頰鯉於黏徽善曰說文曰黏相著也女廉切又曰徽大索也

更羸之箭前來碎首養由之弧後放流

血

更羸養由並見于上卷注陸機演連珠曰禽息碎首豈要先養之田弧說文曰木弓也今言纖羅黏徽弧

矢皆況

無常

若其雜類則有憍慢忿怒罵詈嫉妬自
讚毀他遊蕩放逸無慚無愧不信不恤
邪媼邪見憎愛寵辱殺害之當闔閱之
族

唐行友法師破魔露布文曰七等雜類或飛或沈此
亦舉煩惱隨煩惱等及身口過非之相喻雜類鳥獸

也此中慢及邪見根本煩惱憍與忿怒嫉妬放逸無
慚無愧不信害心隨煩惱品唯識第六有釋往見罵
詈亦屬惡語攝徐曰正序曰罵旁及口言自讚毀他
梵網瑜伽制為戒亦是口業也遊蕩荒遊放蕩亦放
逸之類也法句譬喻經曰昔佛在舍衛精舍中說法
時有遊蕩子一人不恤無慈也邪媼殺害身業也憎
愛亦貪嗔性也貪由愛力生瞋憎恚為性老子曰何
謂寵辱若驚得之若驚失之若驚是謂寵辱若驚為顏
氏家訓曰限以太分故稀闕閱之
恥毛萇詩傳曰閱狠也許歷反

同形異心別類殊目鋸爪鑿齒少慈食

穀

目名也格物論曰獅子鉤牙鋸爪高齧淮南子注曰鑿齒獸名齒長三尺其狀如鑿下徹額上而持戈盾食穀喻壞善殘德

眈眈虎視遊朝露之麓睚眦師吼戲

夢之谷

周易曰虎視眈眈王弼注曰虎視眈眈威而不猛陸機弔蔡邕文曰冀澄河之遠日忘朝露之短年臨淮見刑上師吼取其威猛夜夢卜喻中夢喻也

遇者奪氣拔精塗腦碎腸

張衡東京賦曰罔然若醉朝疲夕奪氣褫魄之為者綜曰惘然如神奪其精氣司馬長卿喻巴蜀檄曰

腦塗中原膏

液潤野草

見者身慄心悚矍矍龍伏

スルキ

慄當作慄蓋傳寫之誤矣爾雅曰慄懼也注疏慄音栗悚苟勇切說文曰懼也王延壽靈光殿賦曰目矍矍而喪精載曰矍矍言炫耀而目不止也矍曰矍矍視不明自相如上林賦曰驚憚龍伏善曰龍伏怖不

動

白

如是衆類上絡有頂天下籠無間獄觸

處櫛比每浦連屋

嵇康琴賦曰蚊行之衆類班固西都賦曰籠山絡野法華經曰下至阿鼻地獄上至有頂阿鼻此云無間遊仙窟曰觸處盡開懷左思吳都賦曰屯營櫛比注善曰毛詩曰其比如櫛尚書大傳曰周民可比屋而

封

玄虛之神筆千聚難陳郭象之靈翰萬

集何論

本玄虛見于上玄禁法師重講二藏聖教序啓曰
嶺微言假神筆而弘遠維園奧義託英詞而宣暢張
景陽七命曰萬辟千灌銑曰萬千言多也文選古詩
曰歡樂難具陳善曰陳猶說也郭象見于上卷注支
道林述懷詩曰惚恍
迴靈翰息肩棲南嶠

因茲五戒之小舟漂猛浪以曳曳制制
於羅刹津

五戒殺盜淫妄酒也毗婆沙論曰此五戒名學處近
事者所應學故近事思者優婆塞之翻名也慧命法
師詳玄賦曰涉曠海以戒舟曉重幽以慧燭世說曰
既風轉急浪猛玄虛海賦曰或擊制洩洩於裸人之
國善曰制洩洩任風之貌也曳洩音
同法華經曰吹其船舫飄隨羅刹鬼國

十善之推輪引強邪而隱隱軫軫於魔

鬼隣

十善離殺生不偷盜不邪淫不妄語不兩舌不惡口

不綺語不貪欲離瞋恚離邪見華嚴經華嚴經曰十

善業道是人天因及有頂因按雖二乘賢聖亦皆備

矣昭明太子文選序曰推輪為大輅之始大輅寧有

推輪之質向曰推輪古棧車大輅玉輅言玉輅因推

輪生云云梁簡文帝與廣信侯書曰陪十善之車開

八正之路王元長曲水詩序曰轟轟隱隱紛紛軫軫

翰曰轟轟隱隱聲也紛紛軫軫多也陸機挽歌曰管

居四民宅令

託萬鬼隣

是故自非發勝心於因夕仰最報於果

晨誰能拔森森之海底昇蕩蕩之法身

高僧傳曰慧遠藉慧解於前因發勝心於曠劫探玄

記曰菩薩亦有隨分正覺然位未盡不得最報左思

吳都賦曰潰多洪汎汗普眞汗見汎所汎漫汎向汎曰並汎
水流廣大自說文曰森大水也按森通作渺渺海謂
生死海也破邪論曰丘聞西方有大聖人者焉不治
而不亂不言而自信不化而自行蕩蕩乎人無能名
焉論語註包曰蕩蕩廣
遠之稱言其布德廣遠

誠須六度之後解纜漂河八正之舸機
棹愛波

六度大般若經曰布施淨戒安忍精進靜慮般若涅
槃經曰修六波羅蜜三十七品以為船筏依乘此筏
度煩惱河到於彼岸謝靈運鄰里相送方山詩曰解
纜及流潮銑曰纜繫船索也八正摩訶般若經曰正
見正思惟正語正業正命正精進正念正定國清百
錄曰乘彼八正船能度難度者舸說文曰舟也漢書
曰烏江亭長艤船待如淳曰南方人謂整船向岸曰
艤郭璞江賦曰涉人於是儀榜善曰應劭漢書曰
儀止也王逸楚辭注曰榜船權也今按艤
通作儀智度論曰大江是愛棧是八正道

樹精進幢舉靜慮颯

法界次第曰精進有二種一者身精進二者心精進若身勤脩善法行道禮誦講說勸助開化是為身精進若內心勤行善道心心相續為心精進復次勤修施戒善法是為身精進勤修忍辱禪定智慧是為心精進今據此按精進遍諸度蓋所以為幢乎幢字見于上婆沙論曰何緣說為靜慮答靜謂寂靜慮謂等慮定惠平等故稱靜慮吳都賦曰樓船舉颯音帆向曰舉颯者挂席用風力也

拒群賊以忍鏡威眾敵以智劍

慧命法師詩玄賦曰擬六賊其方潰莫十軍之所平彦琮法師沙門不應拜俗總論曰今沙門身被忍鏡戴剪欲軍維摩經曰以智慧劍破煩惱賊肇曰至文煩惱之寇密固難遣自非慧劍無以斷除

策七覺馬亟超沈淪駕四念輪高越罽羅塵

婆沙論曰七覺支者一念覺支二擇法覺支三精進覺支四喜覺支五輕安覺支六定覺支七捨覺支沈

淪謂生死海也法界次第曰四念處者一身念處
處二受念處三心念處四法念處驚塵見于上

則許頂珠以封疆同彼鷲子授記之春

法華經曰唯髻中明珠不以與之所以者何獨王頂
上有此一珠若以與之王諸眷屬必大驚怪乃至文
殊師利如轉輪王見諸兵衆有大功者心甚歡喜以
此難信之珠久在髻中不妄與人而今與之文句曰
明珠者明譬中道智圓譬於常在頂者極東所宗髻
中者實爲權所隱解髻卽開權與珠卽顯實封封王

侯之封也疆毛詩傳曰竟界也慈恩曰具云舍利弗
多羅唐云鷲子清涼演義鈔曰疏初舍利弗然諸弟
于古今譯殊今多依羅什三藏言鷲鷲者大乘云是
百舌鳥亦云春鷲古德引經亦云其母辯才如彼鳥
故授記文句曰梵音和伽羅此云授記開佛知見不
謬又明了佛性故與記小乘入實決定作佛又曰授
記亦云受記受決定授是與義受是得義記是記
事決定是決定是了訖也法華經曰舍利弗汝於未

來當得作佛号

曰華光如來

奉頸瓔以盡境比此龍女得果之秋

法華經曰無盡意菩薩白佛言世尊我今當供養觀
 世音菩薩即解頸眾寶珠瓔珞價直百千兩金而以
 與之天台義疏曰若就觀解者將事表理何得一向
 事解耶頸者表中道一實之理以眾多無著法門莊
 嚴實相如瓔珞在頸解者表菩薩為常捨行經又曰
 爾時龍女有一寶珠價直三千大千世界持以上佛
 佛即受之龍女謂智積菩薩尊者舍利弗言我獻寶
 珠世尊納受是事疾不答言甚疾女言以汝神力觀

我成佛復速於此當時眾會皆見龍女忽然之間變
 成男子具菩薩行即往南方無垢世界坐寶蓮華成
 等正覺支句曰獻珠表得圓解圓珠表其脩得圓因
 奉佛是將因尅果佛受疾者獲果速也此即一念坐
 道場成佛
 不虛也

十地長路須更經殫二祇遙劫究圓非

難
 三教指歸

三祇三僧祇僧祇具云阿僧祇或阿僧企耶此云無
 央數大論曰僧祇秦言數阿秦言無問幾時名阿僧
 祇答天人中能知算數者極數不能知是名一阿僧
 祇菩薩地持經云一者日月晝夜歲數無量名阿僧
 祇二者大劫無量名阿僧祇心地觀經曰三僧祇耶
 大劫中具脩百千諸苦行功德圓滿遍法界上地究
 竟證
 三身

然後捨十重荷證尊位於真如登三轉

臺稱帝號於常居

十重荷即十重障也唯識論曰云何證得二種轉依
 謂十地中脩十勝行斷十重障證十真如二種轉依
 由斯證得又曰十重障者一異生性障二邪行障三
 鄙鈍障四微細煩惱現行障五於下乘般涅槃障六
 鹿相現行障七細相現行障八無相中作加行障九
 利他中不欲行障十於諸法中未得自在障
 又釋真如曰真謂真實顯非虛妄如謂如常表無
 變易二轉即菩提涅槃果也論又曰轉謂二分轉捨

轉得出數脩習無分別智斷本識中三障鹿重故能
轉捨依他起上遍計所執及能轉得依他起中圓成
實性由轉煩惱得大涅槃轉所知障證無上覺成立
唯識意為有情證得如斯二轉依果普賢經曰釋迦
牟尼佛名毘盧遮那遍一切處其佛住處名
常寂光天合淨名疏曰法身之居常寂光土

一如合理心莫親疎四鏡含智遙離毀

譽

起信論曰雖實有此功德義而無差別之相等同一
味唯十真如又曰覺體相者有四種大義與虛空等
猶如淨鏡云何為四一者如實空鏡二者因熏習鏡
三者法出離鏡四者緣熏習鏡釋摩訶衍論廣維摩
釋恐繁不此引
經長者子寶積讚佛偈曰毀譽不動如須彌肇師曰
利衰毀譽稱譏苦樂八法之風不動如來猶如四風
之吹須

彌也

超生滅而不改越增減而不衰

華嚴經曰真如離妄恒寂靜無生無滅普
周遍諸佛境界亦復然體性平等不增減

踰萬劫今圓寂且二際今無為豈不皇

矣哉亦不唐矣哉

唐太宗皇帝三藏聖教序曰無滅無生歷千劫而不
古慈恩心經幽贊曰梵云涅槃唐言圓寂即體周遍
性湛然義三際三世也寶性論曰佛體無前際及無
中間際亦復無後際寂靜自覺知僧肇涅槃論曰涅

槃秦言無為無為者取其虛無寂寞妙絕於有為毛
詩曰皇矣上帝毛長傳曰皇大也唐說文曰太言也

軒帝堯義不足採履

帝王世紀曰黃帝有熊氏姓八公孫名軒轅土德始制
衣服造書契置史官為舟楫以濟不通立棟宇為杵
以利民萬民作弧矢以威天下鳳凰巢于阿閣麒麟
遊苑囿始作律管在位一百十年又曰帝堯陶唐氏
名放勳火德聰明文思允恭克讓茅茨不剪土階三
尺夏衣葛冬鹿裘有草生庭十五日巳前日生一葉

十五日已後日落一葉名曰萁莢以尅旬朔在位九十八年年百十八歲又曰太昊伏犧氏風姓木德始畫八卦分九州設罟網以取魚養義牲以充庖厨故曰庖犧服牛乘馬亦曰伏犧在位一百年張文成遊仙窟曰洛川迴雪亦堪使疊衣裳巫峽仙雲未敢爲敬鞞履

輪王釋梵不堪扶輔

輪王見于上釋梵帝釋梵王也釋迦譜曰菩薩化從夫人右肋而生時四天主即以天繒接太子身置寶

枕上帝釋執蓋梵主持拂左右侍立揚子雲初獵賦曰齊桓曾不足使扶輪輔音倚說文曰車旁也

天魔外道騁百非而非所毀聲聞辟支

飛萬是而非所是

釋摩訶衍論曰其真如法百非非非千是非是僧肇維摩經注曰下乘道覺非獨覺要師而後成故名聲聞乘辟支具云辟支迦羅此翻緣覺亦翻獨覺寶性論說佛法身偈曰非初非中後不破壞不二此甚深

境界非二
乘所知

雖然四弘未極一子沈溝

上來示自證境界自下述化他應用四弘四弘誓願也摩訶止觀曰起大悲興兩誓願謂眾生無邊誓願度煩惱無數誓願斷起大慈興兩誓願謂法門無量誓願知無上佛道誓願成涅槃經曰如來等視一切眾生猶如一子沈溝沈淪五欲之深溝也

顧此恨恨思此丁寧

嵇康與山巨源絕交書曰況復多病顧此恨恨善曰廣雅曰恨恨悲也丁寧殷勤也亦見干上

爰更百億應化班百億城

梵網經曰我今盧舍那方坐蓮華臺周匝千華上復現千釋迦一華百億國一國一釋迦各坐菩提樹一時成佛道

假託非相示現非形

華嚴經曰如來清淨等虛空無相無形遍十方而令
衆會靡不見心地觀經曰三十二相本非相了相非
相爲實相今言真身無相八相之
相非真身相故言非相示現非形

曾成之道始於八相金山之體坐於四

康

曾尊也法華經曰我實成佛已來無量無邊百千萬
億那由他劫如來見諸衆生樂於小法德薄垢重者
爲是人說我少出家得阿耨多羅三藐三菩提然我
實成佛以來久遠若斯但以方便教化衆生今入佛
道作如是說八相起信論曰所謂從兜率天退入胎
住胎出胎出家成道轉法輪入於涅槃法苑珠林章曰
大般若五百六十八亦說八相一從天沒即入胎相
二嬰兒即受生相三童子即受欲相四苦行五成道
六降魔七轉法輪八入涅槃始於八相者云爲是人
說我少出家得阿耨菩提是也金光明經曰佛身微

三教指歸卷七

三十二

妙真金色其光普照等金山四康法華所謂四衢道
中卽四諦法也涅槃勝鬘等經說四種四諦或謂佛
住四諦理說故云坐法華經曰見諸子等安穩得出
皆於四衢道中露地而坐文句曰四衢道中者舊云
四濁障除如四達路更一濁除如露地坐今不爾五
濁直明垢障之法未論治道不應譬衢道衢道正譬
四諦四諦觀異名爲四衢四諦同會見諦如交路頭
見惑雖除思惟猶在不名露地三界思盡名露地住
果不進改以收末見諸來坐樂然小云無礙故曰
云而坐云華嚴曰安寶如地以坐無礙故曰十

三教推歸詩七

三十三

神光神使驛於八荒慈悲愍愍頌於十

方

佛本願經曰太聖神光普照明天地開朗日光耀郭
璞江賦曰慈神使之嬰羅謂龜也今謂神光亦卽神使
如神力光明名他方菩薩又復如來神力彈指地動
及神足弟子遣他方界等皆是也驛說文曰置騎也
左思魏都賦曰以娛四夷之君以睦八荒之俗爾雅
四荒注曰皆四方荒亂之國慈悲愍愍太慈大悲勸發有

三教推歸詩七

三十四

緣招呼他土喻班初檄也頌
與班同鄭玄周禮注曰賜也

然後待於萬類萬品乘雲雲行十種千

彙騎風風投自天自地如雨如泉從淨

從染若雲若煙下地上天上下地八

部四衆區各交連

此皆謂十方集會其多也陳文帝妙法蓮華懺文曰
因業因心稟萬類之識梁武帝金剛般若懺文曰哀
憐萬品護念群生江淹遂古篇曰豐隆騎雲為靈仙
兮彥崇通極論曰或復八部雲繚十方輻湊李師政
內德論曰觀萬姓之異稟寔千種而殊級彙于貴切
廣韻曰類也釋門正統曰大覺世尊無有萬彙莊子
曰列子御風而行淨謂淨邦染謂穢土也高僧傳曰
使夫慕道來儀遐邇烟萃法華經曰於虛空中行住
坐臥身上出水身下出火身下出水身上出火或現
大身滿虛空中而復現小小復現大於空中滅忽然

在地入地如水履水如地現如是等種種神變菩薩
念佛三昧經曰時有無量億那由他天龍夜叉八部
鬼神於虛空中各各兩淚乃至從虛空中作行而下
住於佛前八部眾謂天龍夜叉乾闥婆阿修羅迦樓
羅緊那羅摩睺羅伽人非人一謂八部鬼神乾闥婆
毘舍闍鳩槃荼薛荔多諸龍眾富單那夜叉羅刹四
眾謂比丘比丘尼比丘尼八相靈驗十之謂靈驗
優婆塞優婆夷

讚唱關關鼓騁淵淵鐘振磬華飄聯

聯磷磷爛爛震震填填溢目溢耳滿黃

滿女

車

讚唱謂讚佛功德也毛長詩傳曰關關和聲也毛詩
曰伐鼓淵淵毛萇傳曰淵淵鼓聲也磬磬見于上游
仙窟曰雙燕子聯聯翩翩幾萬迴漢書相如上林賦
曰磷磷爛爛采色滌汗注郭璞曰皆玉石符采映曜
也潘岳籍田賦曰震震真填填塵騫連天注良曰震
震車馬聲也填填車馬象負陸機文賦曰文徽徽而

木華海賦曰：「拈拔五嶽，竭涸九州。」善曰：「拈，引也。廣雅曰：「拔，出也。翰曰：「拈，亦拔也。無垢稱經曰：「若住，如是不可思議解脫。菩薩如是三千大千世界，形量廣大，能以神力方便，斷取置右掌中，如陶家輪，速疾旋轉，擲置他方，殞伽沙等世界之外。」涅槃經亦 涅槃經曰：「須彌山王如是高廣，悉能取令入芥子，其諸衆生依須彌者，亦不迫近無往來。」想如本無異，無垢稱亦有此文。

雨甘露雨以誘以誠班法喜安羶智羶

戒

法華經曰：「樹甘露法雨，滅除煩惱，焔又曰：「其國衆生常以三食，一者法喜食，二者禪悅食，天台疏曰：「月藏第九明法食喜食禪食，經文摠言法喜禪悅，分別應有三種差別也。妙樂記曰：「法食，聞法也。如安養界，上品生人在蓮華中，常聞彌陀觀音說法，喜食者聞法歡喜，正聞屬法食，聞已為喜食，或可法即是喜，今言蒙聞法益得智守戒也。」

悉詠康哉兮擊腹壤咸頌來蕙兮忘帝

功

何平叔景福殿賦曰家懷克讓之風人詠康哉之詩
注翰曰書云庶事康哉此為詩莊子曰夫赫胥氏之
時民居不知所為行不知所之含哺而熙鼓腹而遊
矣論衡曰春時百姓無事有五十之民擊壤於塗觀
者曰大哉毒之德也擊壤者曰吾日出而作日入而
息鑿井而飲耕田而食堯何力於我周忠風土記曰

無量國之所歸溪有情界之所仰

郭璞江賦曰川流之所歸溪
善曰王逸楚辭注曰溪聚也

擊壤者以木作之前廣後銳長四尺二寸其形如履
將戲先側一壤於地遙於三四十步以手中壤擊之中
者為上部尚書曰徂之民室家相慶曰後予后後來
其蕙民之戴爾厥惟舊哉忘帝功所謂堯何力於我
者是也

惟尊惟長以都以宗咨咨不蕩蕩哉大
覺之雄魏魏焉哉誰敢比窮

木玄虛海賦曰弘往納來以宗以都注翰曰宗尊也
都謂聚也大往者潮起而出納來則納之不逆細流
所以為百川之尊而所聚萬物善曰尚書曰工法朝
宗于海山海經曰和山實為河之九都郭璞曰九水
所潛故曰九都蕩蕩大覺並見于上法華經曰大雄
猛世尊論語曰魏魏乎舜禹之有天下也注曰魏魏

高大之稱比窮言誰
比其德誰窮其德也

此寔吾師之遺旨如如之少濼

吾師謂佛也彥琮法師通極論曰吾師大道曠無不
濟玄奘法師請御製聖教序表曰求如來之秘藏尋
釋迦之遺旨最勝王經曰唯有如如如智是名法
身濼說文曰小水入大水曰濼今言上來所演未足
盡如來法海但遺
法真宗之小汎耳

彼神仙之小術俗塵之微風何足言乎

亦何足隆哉

神仙小術指虛去之說俗塵微風指龜毛之談江文通雜體詩曰潛志去俗塵注善曰楚辭屈原曰蒙世俗之塵埃

於是龜毛公等一懼一辱且喜且笑

論語曰一則以喜一則以懼劉琨勸進表曰且悲且惋今云哀笑者言且哀從來翫瓦礫而遠玄津且喜遇優曇大阿闍梨沐出世最訓笑者歡笑也

任舌俯仰逐音方圓

沈約恩幸傳論曰品目多少隨事俯仰西域記曰夫水也者隨器方圓逐物清濁今言任假名慈誨之舌逐乞兒說法之音俯仰方圓唯所命之也

喜歡踊躍稱曰吾等幸遇優曇之大阿

闍梨厚沐出世之最訓誰管未問後葉

豈有吾若不幸不遇和上永沈現欲定

沒三途

法華經曰爾時舍利弗踊躍歡喜優曇希有義見于上卷注寄歸傳曰梵語阿遮梨耶唐言軌範今稱闍

法華經曰爾時舍利弗踊躍歡喜優曇希有義見于上卷注寄歸傳曰梵語阿遮梨耶唐言軌範今稱闍

梨蓋梵音訛略也菩提資糧論曰阿遮梨夜隋言正

行南山行事錄曰能糾正弟子行故沐謂沾漬如沐

浴也謂沐蒙也見于尺頰爾雅曰誰昔昔也郭璞

注曰誰發語辭晉中興書吳孫權與蜀盟文曰雋之

後葉克終若始現欲者現前之欲境也應法師經音

義曰三惡趣亦名三塗春秋有三塗危險之處借此

為名四解脫經曰地獄名火塗道

餓鬼名刀塗道畜生名血塗道

今僅蒙提撕身心安啟譬如震霆發響

蟄蚊開封朝烏轉輪幽闇渙永彼周孔

老莊之教何其偏虐哉

提斯見于上卷淫敞曠也謗也禮記曰仲春之月是月也日夜分雷乃發聲始電蟄蟲咸動啓戶始出說文曰蟄藏也又曰蚊蟲行也朝烏旭日也幽闇昏夜也以喻迷心言迷癡昏夜忽曉而疑滯冰渙也唐高宗皇帝三藏聖教序述曰傳智燈之長燄皎幽闇而恒明道安法師二教論曰今以淺懷得聞高論銷疑

散滯渙若春冰法琳辯正論曰辯才智慧豈徒七經百氏之博哉明非堯舜周孔老莊所及

自今以後剥皮為紙折骨造毫刺血代

欲曝髑用研敬銘太和上之慈誨以充

生生之航輅

華嚴經曰娑婆世界毗盧遮那如來以身命為布施剥皮為紙折骨為筆刺血為墨書寫經典積如須彌

文賦注銑曰毫筆也西京雜記曰揚雄懷鉉提槩從
計吏訪四方語作方言文選求位太宰碑表注翰曰
鉉粉筆也所以理書也說文曰髑髏頂也視通作
研說文曰銘記也楚網經曰常行放生生生受生航
舟輅
車也

假名曰復座今當敞三教以十韻之詩

代汝等之謠諤廼作詩曰

孝經曰復座吾語汝注曰將聞大道欲其審聽故令
還復本座而後語之夫避席答對弟子執恭告令復
座師恩恕也爾雅曰徒歌謂之謠徒擊鼓謂之詠注
曰詩云我歌且謠又云或歌或詠疏曰徒空也注詩
云我歌且謠此魏風園有桃篇文也毛傳云曲合樂
曰歌徒歌曰謠孫炎云聲消搖也云或歌或詠此木
雅行葺篇文也毛傳曰歌者比於琴瑟也徒
擊鼓曰詠孫炎云聲驚也今按謠與詠通

居諸破冥夜三教褰癡心

此二句總歎二教之功日月比二教冥夜喻
癡心居諸見于上褻本作攘說文曰搯衣也

性欲有多種醫士異藥鍼

此二句謂情欲多差故教網弘施智度論曰性名積
習相從性生欲隨性作行或時從欲為性習欲成性
性名深心為事欲名隨緣起是為欲性分別各各性
多性無量不可數是名世間別異又曰佛如醫士法
如良藥

綱常因孔述受習入槐林

此二句述儒教不云孔所述而云因孔述者言二教
皆如來大醫王之所施也其三綱五常使孔述之益
我遣三聖化彼震且之謂也綱三綱常五常也白虎
通曰三綱者何謂也謂君臣父子夫婦也君為臣綱
父為子綱夫為妻綱五
常槐林並見于序注

變轉聃公授依傳道觀臨

六示身公

此二句說道教變轉舊注曰王肅云元氣分為天地轉而為陰陽變而為四時別而為鬼神按老子經口道生一一生二二生三三生萬物萬物負陰而抱陽冲氣以為和河上公章句曰道始所生者一也一生陰與陽也陰陽生和清濁二氣分為天地人也天地人共生萬物也天施地化人長養也萬物無不負陰而向陽回心始就日也萬物中皆有元氣得以和氣若胸中有藏骨中有髓草木中有空虛與氣通故得久生也道觀謂道士練脩之樓觀也樓觀本記曰周穆王尚神仙因尹真人草制樓觀遂召幽遊之人

為道士初
記引記亦
列道觀者
此二句說道教變轉舊注曰王肅云元氣分為天地轉而為陰陽變而為四時別而為鬼神按老子經口道生一一生二二生三三生萬物萬物負陰而抱陽冲氣以為和河上公章句曰道始所生者一也一生陰與陽也陰陽生和清濁二氣分為天地人也天地人共生萬物也天施地化人長養也萬物無不負陰而向陽回心始就日也萬物中皆有元氣得以和氣若胸中有藏骨中有髓草木中有空虛與氣通故得久生也道觀謂道士練脩之樓觀也樓觀本記曰周穆王尚神仙因尹真人草制樓觀遂召幽遊之人

金仙一乘法義益最幽深

此二句歎佛教幽深而超儒道二教故云益最也本行經曰忍辱修行三千二百劫始證金仙號曰清淨自然覺玉如來教諸菩薩法華經曰十方佛土中唯有一乘法肇師維摩經注曰萬法幽深誰識其深唯佛無身故獨稱達

自他兼利濟誰忘獸與禽

此二句顯利益弘深沈約辯聖論謂其德曰聖人遺情忘世常以兼濟為念曰十善中

春華枝下落秋露葉前沈逝水不能住

迴風幾吐音

此四句舉世間無常意明儒道二教亦未超無常之域論語曰子在川上曰逝者如斯夫史記索隱曰迴

風急風也陸機演漣珠曰朗百踈而吐音

六塵能溺海四德所歸岑

此二句對明世出世昇沈六塵色聲香味觸法也天台曰塵以染污為義以能染污情識故通名為塵也常樂我淨謂之四德觀普賢經曰時空中聲即說是語釋迦牟尼佛名毗盧遮那遍一切處其佛住處名常寂光常波羅蜜所攝成處我波羅蜜所安立處淨波羅蜜滅有相處樂波羅蜜不在身心相處乃至如

是應當觀

十方佛

已知二束縛何不去纒簪

此二句結勸脫彼扼縛入我真道華嚴經曰令離惡

道受人天樂脫三界縛在一切智說文曰纒冠系也

又曰簪首笄也法琳法師辯正論

曰去簪纒以會道棄鬚髮以修真

三教指歸卷下

三教指歸註卷第七終

明曆丁酉年冬十月廿七夜半閣筆於武城愛阜靜
慮堂東軒

運啟

真文三交收春三月十日

寬文三癸卯春三月吉且

梓行

洛陽寺町

中野小左衛門尉

前川茂右衛門尉

三卷集十


原夫三教之旨也。緬乎遠矣。淵乎幽矣。自非博瞻之材。冷聞之識。其孰能得與於此乎。振古註三教指歸者。惟多然。鮮有詳備之者矣。武陽愛阜。圓福教奇。運漱和上。神情駿發。幼有遠量。夙入緬林。耽敬妙蹟。間讀外論。應一日三時之書。範遂該通。諸采之玄籍。搜羅百家之

微言豈非所謂兼綜衆藝之淵藪
我和上嘗譚授斯論之次舉曰註
之所不備斥古來之所不認諸徒
今者請筆之紙亦是其事於是
予與二三之同志共時勸勵集
記以貽後昆者有年矣頃日容
畢望而遺我以七軸予閱之則若
宵行之逢燭調飢之嘗美欣躍
之餘

郎命工鑄梓以欲迨吾黨好古之
士爾萬治己亥秋九月日

武州巖邑三學教院任持隆敬謹誌





此書... 卷之... 第一... 第二... 第三... 第四... 第五... 第六... 第七... 第八... 第九... 第十... 第十一... 第十二... 第十三... 第十四... 第十五... 第十六... 第十七... 第十八... 第十九... 第二十... 第二十一... 第二十二... 第二十三... 第二十四... 第二十五... 第二十六... 第二十七... 第二十八... 第二十九... 第三十... 第三十一... 第三十二... 第三十三... 第三十四... 第三十五... 第三十六... 第三十七... 第三十八... 第三十九... 第四十... 第四十一... 第四十二... 第四十三... 第四十四... 第四十五... 第四十六... 第四十七... 第四十八... 第四十九... 第五十... 第五十一... 第五十二... 第五十三... 第五十四... 第五十五... 第五十六... 第五十七... 第五十八... 第五十九... 第六十... 第六十一... 第六十二... 第六十三... 第六十四... 第六十五... 第六十六... 第六十七... 第六十八... 第六十九... 第七十... 第七十一... 第七十二... 第七十三... 第七十四... 第七十五... 第七十六... 第七十七... 第七十八... 第七十九... 第八十... 第八十一... 第八十二... 第八十三... 第八十四... 第八十五... 第八十六... 第八十七... 第八十八... 第八十九... 第九十... 第九十一... 第九十二... 第九十三... 第九十四... 第九十五... 第九十六... 第九十七... 第九十八... 第九十九... 第一百...

111
 112
 113
 114
 115
 116
 117
 118
 119
 120
 121
 122
 123
 124
 125
 126
 127
 128
 129
 130
 131
 132
 133
 134
 135
 136
 137
 138
 139
 140
 141
 142
 143
 144
 145
 146
 147
 148
 149
 150
 151
 152
 153
 154
 155
 156
 157
 158
 159
 160
 161
 162
 163
 164
 165
 166
 167
 168
 169
 170
 171
 172
 173
 174
 175
 176
 177
 178
 179
 180
 181
 182
 183
 184
 185
 186
 187
 188
 189
 190
 191
 192
 193
 194
 195
 196
 197
 198
 199
 200

